

# BOHATA LE DINNETE

MABAPI LE VAKSINE YA TB YA PHUPUTSO

iavi



BOHATA ❌

**Batho ba dulang dinaheng tse ntseng di hola moruong ba sebediswa jwalo ka “dintho tse hlahlobuwang feela” diphuputsong tsa bongaka tsa vaksine**



NNETE ✅

Diphuputso tsa pele tsa bongaka ka ho tlwaelehileng di tshwarelwa naheng eo vaksine e fumanweng ho yona ka lekgetlo la pele. Kamora hore vaksine e etswe diteko ka lekgetlo la pele bakeng sa polokeho, ho hloka hore e etswe diteko dinaheng tseo lefu le atileng ho tsona ho bona haeba e tla thibela lefu bathong ba e hloka ka ho fetisisa. **Bakeng sa diphuputso tsa vaksine ya TB, sena se hloka motse o nang le sekgahla se hodimo sa TB.**

BOHATA ❌

**Madi a bokeletsweng diphuputsong tsa bongaka hamorao a rekiswa ho etsa tswala**

NNETE ✅


Ho hang ha ho madi a rekiswang kapa a sebediswang ka tsela efe kapa efe e seng molaong.

Madi a nkuwa diphuputsong tsa bongaka:

- Ho etsa bonnete ba hore bankakarolo ba phetse hantle le ho tshwaneleha bakeng sa phuputso
- Ho beha leihlo bophelo le polokeho ya bankakarolo nakong ya phuputso
- Ho bona hore na vaksine e thusa jwang mmele ho lwantsha mafu

**Diteko di sebedisa bonyane ba madi kamoo ho ka kgonahalang.**

Diphuputsong tse itseng, madi a mang a bolokwa e le hore a ka etswa diteko hamorao, empa sena se etswa ka tumello ya monkakarolo feela.



BOHATA ❌

**Divaksine tse fanwang nakong ya diphuputso tsa vaksine ya TB di neha batho TB**

NNETE ✅

Vaksine e etseditswe ho thibela TB. Ditekong tsa vaksine bankakarolo ba bang ba fuwa vaksine e etswang diteko mme ba bang ba fuwa sekamorianana (seka-vaksine). Bafuputsi ba bapisa diphetho ho bona hore na ebe vaksine e ya sebetsa. Bankakarolo ba fumanang sekamorianana ba ntse ba le kotsing e tshwanang ya ho ba le lefu la TB jwalo ka batho ba bang motseng, kahoo ho ka lebellwa hore bankakarolo ba bang ba ka ba le TB. Leha ho le jwalo, **esita le haeba motho a fumana vaksine ya TB jwalo ka karolo ya diteko, o ntse a le kotsing ya ho fumana TB ho tswa motseng wa habo kapa a tsose TB ya hae e neng e robetse.**



BOHATA ❌

**Haeba ho pakwa hore vaksine e ya sebetsa, e ke ke ya untsha motse le bankakarolo ba amehang phuputsong ya bongaka molemo.**

NNETE ✅

Hang ha re **pakile hore vaksine e bolokehile le hore e ya sebetsa, e tla fumaneha** setjhabeng sefe kapa sefe seo mmuso o fanang ka laesense le tumello. Sepheo sa rona ke ho etsa vaksine e fumanehang le ho fihlellwa ke setjhaba kaofela se e hloka haholo.



BOHATA ❌

**Ke feela batho ba kudiwang ke TB ba ka nkang karolo diphuputsong tsa bongaka tsa vaksine ya TB**

NNETE ✅

Phuputso ya bongaka ya vaksine ya TB e etsa teko ho bona hore na e be vaksine e ka thibela batho hore ba se fumane TB. Kahoo, **batho ba nkang karolo phuputsong ya bongaka ya TB ka ho tlwaelehileng ke ba phetseng hantle, empa ba dulang sebakeng seo kotsi ya hore ba fumane TB e phahameng.**

